

適園叢書

張宗祥





重刊湖海新聞夷堅續志後集目錄

澄江河東思善堂

卷一

神仙門

仙真

上真顯靈

玄帝現像

仙異

呂仙教化

呂仙賦詞

呂仙詩讖

呂仙劍袋

呂仙戲術

鐵拐託夢

四仙弈棋

一仙隱竹

一夢黃梁 十一

月影仙跡 十二

插簪生筍 十三

遇仙

鐵笛道人 十四

黃衣道人 十五

跨鶴道人 十六

通神先生 十七

劉咬指臥雪 十八

野人破竹 十九

道人寄書 二十

二吳遇仙 二十一

浮海遇仙 二十二

賣酒遇仙 二十三

井化酒泉 二十四

女食茯苓 二十五

錢治病 二十六

神仙教醫 二十七

仙姬療贅 二十八

仙姥貨藥 二十九

仙醫曲背 三十

仙醫足疾 三十一

仙醫察疾 三十二

仙醫瘤疾 三十三

仙醫反掌 三十四

異人送扇 三十五

得仙

頓悟成仙 三十六

遇藥成仙 三十七

崔公得道 三十八

棄名學道 三十九

載道者尸解 四十

黃東美尸解 四十一

天降銅棺 四十二

道教門

齋醮

崇興道教 四十三

心詞保母 四十四

心詞誑語 四十五

心詞簡直 四十六

心詞代筆 四十七

心詞姪語 四十八

醮儀不備 四十九

書疏不誠 五十

朱道人拜章 五十一

天門放榜 五十二

論星受譴 五十三

宋朝革命 五十四

齋醮靈驗 五十五

幡竿天篆 五十六

祭煉感應 五十七

祭煉有功 五十八

道法

天師退潮 五十九

天師誅怪 六十

天師誅蛇 六十一

天師斬龜 六十二

法誅蟒精 六十三

法誅蛛怪 六十四

法誅土偶 六十五

法治巫鬼 六十六

法救產母 六十七

法官不戒 六十八

行法不正 六十九

超度瘵鬼 七十

扇能起風 七十一

道術百靈錄 八十五

山豆樹 八十六

林靈素 七十二

神翁預知 七十三

預知國祚 七十四

先知死罪 七十五

噓氣燒腸 七十六

種蘿蔔子 七十七

道經

度人經悟道 七十八

寶誥功德 七十九

養生神章 八十

經不壞身 八十一

錄

授錄感應 八十二

卷二

佛教門

佛像

盧六祖 八十三

觀音靈驗 八十五

佛化

羅漢降生 八十七

觀音化手 八十九

七真僧 九十一

蜀中聖僧 八十四

石山巨佛 八十六

金剛負擔 八十八

觀音現身 九十

小釋迦 九十二

身外有身 九十三

伽藍護法 九十四

鸚哥顯聖 九十五

聖僧

僧圓澤 九十六

婁道者 九十七

僧法華 九十八

佛譴

諸天明譴 九十九

僧竊聖像 一百

佛譴軍卒 一百一

毀壞佛像 一百二

擊損佛像 一百三

觸穢齋料 一百四

伽藍譴罪 一百五

水陸

設齋不誠 一百六

僧思魚食 一百七

鬼取水陸 一百八

薦拔亡卒 一百九

習召孤魂 一百十

思豬躡羹 一百十一

茹葷赴請 一百十二

僧無戒行 一百十三

鬼嫌齋榜 一百十四

佛經

持經免難 一百十五

江神送嫗 一百十六

金剛現身 一百十七

金剛經免死 一百十八

入冥得經 一百十九

誦經卻狐 一百二十

經黏鞋底 一百二十一

蛟畏佛經 一百二十二

寶積有光 一百二十三

楞伽經光 一百二十四

證悟

海珠明了

一百二十五

聞經立化

一百二十六

警悟坐化

一百二十七

悟稱佛號

一百二十八

悟誦般若

一百二十九

文華門

詩

詩勉邑宰

一百三十

驅蝗蟲詩

一百三十一

上元遇雨

一百三十二

試監蹂死

一百三十三

西山生祠

一百三十四

詩退風濤

一百三十五

詩刺時相

一百三十六

十七字詩

一百三十七

詠石僧詩

一百三十八

詞

大學歎世 一百三十九

挽狀元詞 一百四十

送夫人學 一百四十一

賦

中興賦聯 一百四十二

賦破題 一百四十三

雜文

勸農業 一百四十四

史守祝文 一百四十五

古句奇對 一百四十六

東坡判語 一百四十七

西澗旗句 一百四十八

前賢榜語 一百四十九

四留銘 一百五十

六悔銘 一百五十一

座右銘 一百五十二

神明門

死後為神

文山為神 一百五十三

華岳為閻王 一百五十四

趙守為城隍 一百五十五

神靈

九真廟泉異 一百五十六
崇福夫人神兵 一百五十七

岳麓寺二聖 一百五十八
周將軍賣馬 一百五十九

李生觀靈異 一百六十
祠山神顯 一百六十一

江神通書 一百六十二
江神報事 一百六十三

石公待士 一百六十四
竈神現身 一百六十五

魯般造石橋 一百六十六
井神現身 一百六十七

家神送物 一百六十八

女神報夢 一百六十九

神作人言 一百七十

興文杖士 一百七十一

和合之神 一百七十二

雷神分田 一百七十三

神救產蛇 一百七十四

神異

梨岳祈雨 一百七十五

廟神娶婦 一百七十六

廟神化虎 一百七十七

彈打神鳥 一百七十八

神譴樂人 一百七十九

泥行者買粟 一百八十

廟鬼奪人扇 一百八十一

神醫

神醫骨鯁 一百八十二

神授鍼法 一百八十三

神醫爛足 一百八十四

怪異門 一百八十五

人異 一百八十六

卵生男子 一百八十七

皮中有蛇 一百八十八

肉瘤有蝨 一百八十九

人怪 一百九十

象人變虎 一百九十一

楊女豬身 一百九十二

佛怪 一百九十三

聖佛生子 一百九十四

婦變狸驢 一百九十五

肉中有雀 一百九十六

肉有基針 一百九十七

病噎吐蛇 一百九十八

人怪 一百九十九

象人變虎 二百

楊女豬身 二百一

佛怪 二百二

聖佛生子 二百三

婦變狸驢 二百四

肉中有雀 二百五

物怪

融州魍魎

一百九十五

古器為怪

一百九十六

木鐙檠怪

一百九十七

泥孩兒怪

一百九十八

鬼怪

鬼仙翫月

一百九十九

鬼仙謁相

二百

鬼妓勸酒

二百一

鬼開典庫

二百二

鬼飲譙樓

二百三

鬼偷饅頭

二百四

鬼扣醫門

二百五

鬼手入窗

二百六

鬼求鍼灸

二百七

鬼動絲竹

二百八

鬼助伐木

二百九

鬼報冒頭

二百十

鬼雪子冤

二百十一

死僕賣鵝

二百十二

死鬼饕餮 一百十三

死屍鼓舞 一百十四

死魂歸家 一百十五

死婦迷人 一百十六

妖物投胎 一百十七

女死變蛇 一百十八

疑心生鬼 一百十九

觸艘為怪 一百二十

瘟鬼拏夫 一百二十一

廁鬼迷人 一百二十二

俚鬼引虎 一百二十三

殯柩受役 一百二十四

精怪門

水族

蛟母寄卵 一百二十五

白鱧化蛟 一百二十六

狐虎

狐精嫁女 一百二十七

狐稱鬼公 一百二十八

狐戀亡人 二百二十九

狐精媚人 二百三十

剝皮狐狸 二百三十一

妖狐陳狀 二百三十二

虎謝老娘 二百三十三

猿猴

猴劫醫人 二百三十四

猴言禍福 二百三十五

猿為廟神 二百三十六

猿請醫士 二百三十七

貓犬

貓母生孩 二百三十八

犬事病人 二百三十九

犬精迷婦 二百四十

白犬化人 二百四十一

狗母生孩 二百四十二

豬鼠

豬母生孩 一百四十三

人面豬形 一百四十四

老鼠祖公 一百四十五

鼠運緯車 一百四十六

蛇蟲

異蛇吐光 一百四十七

蛇竊酒飲 一百四十八

成都長蛇 一百四十九

蟒精為妖 一百五十

蚯蚓為妖 一百五十一

蝦蟆為精 一百五十二

飛禽

翡翠為人 一百五十三

樹木

樟精惑人 一百五十四

芭蕉精 一百五十五

榆木為怪 一百五十六

山石

石龜能行 一百五十七

石鷹竊米 一百五十八

靈異門

水族

雙龍現形 一百五十九

龍吐寶珠 一百六十

井有白龍 一百六十一

泉有豬龍 一百六十二

龜知吉凶 一百六十三

蛤蜊顯聖 一百六十四

飛禽

鸚鵡悟佛 一百六十五

鶴訴取子 一百六十六

禽鳥有術 一百六十七

禽能誦經 一百六十八

鷹攫卒巾 一百六十九

鵲死報冤 一百七十

走獸

獸有人心 二百七十一

獸有仁義 二百七十二

馬生龍駒 二百七十三

馬傷投牌 二百七十四

牛傷投府 二百七十五

異貓護疾 二百七十六

熊母生子 二百七十七

長生豬母 二百七十八

蛇蟲

大蛇受戒 二百七十九

物異門

山石

石內鷄鳴 二百八十

石中靈鵲 二百八十一

蘇山石像 二百八十二

器具

湯盞鶴飛

二百八十三

龜背換時

二百八十四

壽星犀角

二百八十五

竹木

潮州瑞木

二百八十六

福州瑞竹

二百八十七

麻沙瑞樟

二百八十八

重刊湖海新聞夷堅續志後集目錄

重刊湖海新聞夷堅續志後集卷一

澄江河東思善堂

神仙門

仙真

上真顯靈

太學生潘祖浩居豫章水墨畫上真像隨行供養每禱必應
一日畫像作哭聲仍明告祖浩曰汝其死矣未幾果卒纔三
十八歲死之日又託夢其子曰汝父已死我當護其柩歸逮
其子翼大亟往扶襯離齋舍日赤蛇蟠其柩上潘平日常事之
甚謹固真聖報之也戊寅年寇作其家毀於兵火儼然獨存
其孫霖寶之續付青阬季生表背遂爲所失

玄帝現像 二

王道之號無識居士住安福之西其家蓄十八羅漢像最精
妙月月命僧禮而供之有梅花結實于甃甌人以爲瑞一日
其家病作羅漢前兩軸獻夢云待自去北方請玄帝來救治
明日一僧登門曰如何不奉真聖荅曰無像僧曰可邀畫像
來就桌上現像出帝像面如滿月阜袍金甲足蹋龜蛇左右
五將持刀執纛樹幡號五龍猛烈雄偉非尋常所有者描訖
像隨手而沒後病愈其家寶藏之

仙異

呂仙教化 三

宋景定年間邵武軍衛前殷家香紙店常供雲水道人每緣

奉銅當三錢一個未嘗少倦忽一日早起開店有道人持櫻
扇登門結緣適逢殷家婦人以他事遷怒形於辭色連以兩
枚當三錢擲在櫻扇中遂流于地道人以足踐之更不回顧
飄然而去殷自出拾起元錢則固結於磚上用力亦不能動
矣觀者駭異急尋訪道人已杳然不見復將鋤頭連磚挖出
見磚背有詩曰先生大願度三千直到如今不得緣得此
來還有意可憐殷氏骨難仙今此石砌在城隍廟中可考

呂仙賦詞 四

鳳停橋在安成之北三十里一日呂仙坐其上守橋道人煎
佳茗供之仙索紙筆書一詞云落日數聲嘯鳥香風滿路吹
花道人邀我煮新茶盪滌胸中瀟洒世事不堪回首夢魂猶

繞天涯鳳停橋畔卽吾家管甚月明今夜字畫飛舞今不知
所在

呂仙詩識

五

宋宣和閒徽宗齋設一千道人只闕一名適有一風癩道人
求齋監門官力拒之其時徽宗與道士林靈素在便殿談話
而道人忽在階下急遣人送去赴齋道人以布袍袖在殿柱
上一抹而往徽宗見而怪之起身觀柱上有粉筆書云高談
闕論若無人可惜明君不遇眞陛下問臣來日事請看午未
丙丁春果而靖康丙午丁未二帝有北行之難

呂仙劍袋

六

賈平章母兩國夫人設雲水道人間齋忽有羣道人扶一孕

婦將產而來齋未罷產嬰兒在地羣道人卽扶女子而去只留嬰兒在地扶起嬰兒乃一劍袋也始知呂公弄精魂以戲凡俗云

呂仙戲術 七

昔呂翁嘗經過潭州醴陵告糴於人不得因作小術戲之後日中曬穀舂米輒碎使牛糞燒煙以燻之然後顆粒無損故居民之家皆以磚土泥一火焙中分隔眼以箕簞盛實於內牛糞煙熏於下以代曬曝其米色黃其飯絕作煙氣乍食者頗不可口惟醴陵一縣爲然出境則異

出醴陵志

鐵拐託夢 八

張居士宋朝都吏也諱道純妻馬氏俱出家勸輔眞道院於

湖州市好道甚堅住修文坊扇子巷開輔眞道院藥局至元
庚辰常齋僧道一日先散俵子一百箇至日憑此赴齋臨期
收俵子只九十九箇不見一箇居士付之不問徑支齋九十
九分此心終不滿次夜夢一道人來告曰俵子在我拐上覺
而細思其日並無策拐者想是道院鐵拐先生亟於井亭下
覓舟往道院扣門觀之果見拐上有俵子題得四句云特來
赴齋見我不采空腹且歸俵縛我拐因知仙亦赴凡齋矣

四仙弈棋 九

有巴邛人不記姓有橘霜後諸橘盡收餘二大橘如三四斗
盜巴人卽令拳橘輕重亦如常橘割開每橘有二老叟鬚眉
皤然肌體紅明皆相對象戲身尺餘談笑自若但與決賭訖

一叟曰君輸我一叟曰君輸我後日於青城草堂還我耳又一叟曰王先生許來竟待不得橘中之樂不減商山但不得二根同蒂於橘中耳一叟曰僕飢虛矣須龍根脯食之卽於袖中抽出一艸根方圓徑寸形狀宛轉如龍毫釐周悉因削復滿食訖以水喫之化爲一龍四叟共乘之足下泄泄雲起須臾風雨晦明不知所在

二仙隱竹

十

黃庭堅治平二年冬十一月初二日爲鏡堂僧作梅亭記閱幽怪錄云鄜延長吏有大竹凌雲可三尺圍伐剖之見內有二仙翁相對云平生深根勁節惜爲主人所伐言畢乘雲而去庭堅曰此與昔人橘園叟之事無異

一夢黃梁 十一

開元中道者呂翁經邯鄲道上邸舍中有邑少年盧生同止于邸主人方蒸黃梁共待其熟盧不覺長歎翁問之具言生世困危翁取囊中枕以授盧曰枕此當榮適所願生俛首但記身入枕穴中遂至其家未幾登高第歷臺閣出入將相五十年子孫皆列顯仕榮盛無比上疏曰臣年逾八十位列三台空負深恩永辭聖代其夕九十盧生欠伸而寤呂翁在旁黃梁尙未熟生謝曰此先生所以窒吾欲也再拜受教而去

月影仙跡 十二

安成盧溪王庭珪字民瞻太學生登第嘗以詩送胡澹菴貶新州檜見而怒例遭貶檜死召還朝除敷文閣學士致仕歸

遯正園遊息于夢草庵莫春茶蘼盛開天將曙殘月照人偶
有衣白衣人來與洗茶僕曰請與敷文說呂洞賓來相見僕
曰尙早及僕入語王攬衣急出但見月影一人在地遂扣而
拜之不復可見後改庵前門帖云月影印仙迹花香供筆靈

插簪生筍

十三

吉安城有魏夫人壇在城南十里夫人煉丹時有村嫗屢以
茶獻夫人感其意遂拔簪插于籬下曰年年四月盡當生筍
可供汝家之食饌次年其地筍生味甘而無根苗鄉人名曰
填補筍至今有之

遇仙

鐵笛道人

十四

陳御幹浦城人也富而好施凡有道人至必館遇有吹鐵笛者來延之而心不倦嘗往來和豐道院夜則寢處于彼每旦必於此候之忽道人語曰子來何暮我在此稍久次早黎明而去道人未至良久道人來曰子來矣吾欲與子俱往御幹忽起思家興曰歸家取鑰匙再來道人不復見矣止留鐵笛在其家御幹續得出神之法過他州郡有貨之缺乏者先知其價必收買而去大有所得因此置富名之曰陳半街

黃衣道人

十五

李嗣元蘇州人有一孫耕於石華山到山日已午見一著黃衣道人坐于石上以手作推敲態背後有大橋樹婆娑橘黃纍纍道人摘兩顆與之翁收於懷道人云因何不食荅曰欲

歸與孫及歸至家橋無有也續靈於夢子孫眾多

跨鶴道人 十六

處州龍泉縣鳳凰山下舊有小茅菴一人居之橋頭有黃
婆開酒肆道人常往來買酒不取錢悉與之飲由是買者無
虛日家由是成甫閱一載婆子索酒錢道人未之償越幾日
又問復許之仍借筆畫一紙鶴以水噴之飛舞回旋于橋之
左右婆亦不悟又復索錢道人於是跨鶴而去

通神先生 十七

蓑衣道人姓何氏淮陽朐山人也後居平江一日自外歸若
狂者身衣白襴衫畫則扣門乞食夜則宿天慶觀門外久而
衣蔽以莎緝之嘗遊妙嚴寺臨池見影豁然大悟人無貴賤

問以休咎無不奇中世號蓑衣道人宋孝宗聞其名召之不
至賜號通神先生為築菴居之賜衣數襲道人不受道俗強
邀入菴大笑而出復於故處平江好事者日以真饌餉之食
於通衢迨飽而去光宗即位召又不至周南卿廷策所謂特
遣王人問妖民於數百里之外者此也有警世詞曰在世為
仙須有分不須食素持齋寸絲不著挂形骸蓑衣為伴侶箬
笠作家懷行滿三千上界奉敕宣至金臺傳言問汝有何哉
人生長富貴陰隲種將來後無疾而化與之增由景買香

劉咬指臥雪 十八

安福南街有劉生者賣豆乳為活甘貧好道每見道人過隨
所有粥飯與之道人感其意遂授以道術生對人寡言終日

只咬指而已人稱之曰劉咬指大雪作高臥大街上眾以雪堆之如像意必死矣天稍霽眾開雪氣如蒸起立一笑而去後不知所之

野人破竹

十九

黃野人在惠州羅浮山中近年有人入山失路但見一小茅廬一村翁裹布巾操刀破竹篾不知其爲仙人也失路者告飢時冬十月野人摘梅子與之喫喫數枚其味甘香又不似梅子歸家能辟穀不飢又以竹篾數條遺之歸開其篾長七入丈而無節方知所遇卽仙人黃野人也

道人寄書

二十

臨川郡治前有石山覆以小亭及結朱闌護之有七十歲老

兵云此石山下有洞天福地昔有一承局在浙閒逢一道人寄書云煩將去撫州前羊角山投下請扣石自有人接書承局歸往叩石閒卽見朱門洞開碧瓦參差亭臺窗戶殊異人閒世翁姥男女皆歡迎出問飲以湯一杯香味襲人且謂承局可留此承局曰我有老小不願留止與以穀一升承局怒擲之地但存十數粒粘於布裙閒遂送出門乃是烏石崗江畔以年月計之則已過一年以外後見穀十數粒乃瓜子金也因知仙境在石山之下而承局亦無緣分也夫

二吳遇仙二十一

米丞相吳潛吳淵居霅川米節時日侍其父讀書食後徜徉門外見一道人來訪問曰先生有何術道人曰能墨戲曰得

非梅竹乎曰非可將小甕磨墨來爲作小筆戲吳欣然從之
道人遂以樓簞滲墨刷一小壁俟乾腰下出銅 劃開引二
吳來觀中有五色祥雲覆以寶殿屏上金裝吳潛字隨掩去
後潛大魁登位淵參政開製闢

浮海遇仙

台州士人陳夢協平生隱居不出仕宋咸寧中偶遇商人浮
海求從之以縱觀覽一日遭颶風漂至海中一山下見山上
喬松不可以萬計望山巔只露些子樓閣岸側有小茅庵榜
以雪溪兩字檐下坐一老人旁侍小童陳與長揖老人問曰
汝何人而至此陳具以實告老人曰旣往天台今葉夢鼎安
樂否陳荅曰已拜相老人曰煩拜意亟投黃扉之榮早尋綠

野之樂更踰十數年宋鼎侈矣恐有後患陳曰先生是何神仙老人曰止可與言舊日同舍生今主海上雪溪與茶一甌撫手曰快循岸去便可尋船陳歸不敢與他人言密以告葉後葉罷相歸鄉朝廷再召不赴者以此信知大事神仙知之久矣

賣酒遇仙二十三

宋景定壬戌靜江府境內有林一郎者開酒肆味頗佳一日有癯瘠道人來曰貧道欲與公賒酒一日一千限一年方還錢可乎林曰一千以上亦可一年以外亦可只要先生飲得卽與飲數杯而往次日來供以酒一千道人飲盡林與妻子曰此道人不凡決不可出言語自此來飲凡六月懷中出銀

一塊權寄林曰一年之約未得十日何故決不敢受道人喜
又飲卻云聞宅上有喪未葬貧道善風水宅上自有地在五
里頭某處急宜葬則立致富貴林曰安敢望此且飲酒再三
再四方從葬畢道人在墳前索酒連沃數觥朗吟曰五十日
來方一醉人閒村酒勝天漿引手招一鶴跨之而去一家懇
求不返後三年林家大發財直子納粟補官果符其術

井化酒泉二十四

常德府城外十五里地名河淤有崔婆者賣茶爲活遇有僧
道過往必施與之一道人往來凡十餘次崔婆見之必與茶
道人深感之與之曰我欲使汝改業賣酒如何崔婆喜道人
以杖拄地清水迸出爲崔婆言此可爲酒崔婆取之以歸味

如酒濃而香買者如市若他人汲之歸則常品水也崔婆大
享其利道人重來崔婆再三謝之但云只恨無糟養豬道人
怒其貪心不足再以杖拄泉則復成水無復酒味矣其井至
今尙存

女食茯苓二十五

邛州蒲江縣長秋山有女子姓楊濱江而住其父入市買二
鯉歸令女子烹洗其女不殺放水中戲悠然而逝父母欲箠
之此女遂奔入長秋山一道觀依火居道士供柴水之奉道
士每日使之擔水忽去久不歸道婆恐其有外慕因苦問之
乃云於弔水時有一嬰孩扶繩而上同嬉一時又投井中非
有他也道士云可將布袋袋之其女子如其言袋至宮中開

看乃是一塊茯苓置之飯甌蒸熟道士適渡江赴請水漲未歸其女子聞其蒸熟甚香遂取食之日久食盡忽天帝差使者召之白日仙去其鄉村申縣縣委王主簿入山體究止餘茯苓一小塊簿亦取而食之竟仙去主簿乃天師排定二十四治之一者吾觀神仙者甚多皆不載此因錄之以示來者

錢治病二十六

鳳翔府鍾進明慕道一日偶見道人化自在心錢進明見其貌古入肆設茶乃問道士姓氏道士曰俗姓裴名郭生居武當今來鳳翔未遇一人進明曰遇者如何不遇者如何願求一說以破愚網道士欣然於地上拾一錢付之曰牢收牢收卽去進明將此錢結身畔一夜狀如沈醉倒臥道士陸元質

房眼前又見道人喚曰汝收吾一錢無失可救數人屈死性命進明曰都來一錢何可救數人道人曰以水浸之見我卽施必有所應至曉方蘇進明遂探街坊有病患者人家皆曰府界見有患熱渴瘟疾多有出汗不得成狂躁者投河赴井非命死者不絕進明聞此遂將此錢取淨水浸之虔禱真君降真氣水中沿門散施病者兩呷卽愈進明遂棄家雲遊忽一日無病而逝後祈禱甚靈宋朝賜報慈廟額封安道善寂仙君

神仙救醫二十七

衛太丞浦城人也素不能醫元宵日郊行遇一老子負薪而至與之同坐且謂今夕揚州上元好看衛曰此去三千里何

可得觀老子曰特易事耳乃鋪青布復俾衛閉目同坐少頃
令其開目則揚州城矣州人以爲仙降至雞鳴後復用青布
複坐其中則已回原處矣一日值華岳真人誕日老子入內
慶賀俾衛在門首遇二目人此吾師也見卽拜之良久有三
人皆瞽一目扶一老人到衛則設拜老人入謂老子曰門外
之人有仙骨而無仙分宜速分付乃付藥方一本指教用藥
有病者治之原而歸則去家二十餘年矣鄉人莫知其能醫
歸到田所芸田人曰衛太丞謂其能醫少試其術一人方午
飯自田中跳躑踴躍走入一室佯爲病者俾請之用藥衛診
脈曰申時當死其人曰我本無病復于田曰太丞誤矣未踰
時腹痛不可救蓋飯飽踴躍斷其腸胃故也自是醫道日盛

不知所終

仙嫗療贅二十八

昔崔煒者居南海時中元日番禺人多陳設真異於神廟煒
往窺之見一老嫗足蹙覆人酒甕被當鑪者毆擊煒趨解曰
酒值幾錢當鑪者曰值一貫煒卽脫衣爲之代償老嫗不謝
而去異日復遇諸途乃曰昨蒙爲吾解難不敢忘也吾善醫
癩贅今有越井峒艾少許聊爲君謝若遇贅癩卽可以治之
不過一灼無不愈後遇一僧人贅垂于耳一灼立愈僧因引
至一大富室其人有贅一灼亦愈由是名顯延者甚眾一旦
遂成富翁煒不敢忘日夕在念一日復遇一人告曰老嫗者
乃鮑靜之女葛洪真人之妻行此灸於南海者積有年矣

仙姥貨藥二十九

湘潭有周某者妻病已兩年求醫問神茫無寸效惟燒夜香祈禱而已一日有兩婦人青衣登門貨藥卻云專醫婦人周急延之請診脈治病婦人曰不須診但借火一照可也見訖云何不服南嶽魏夫人濟陰丹周曰容修合婦人曰自送一丸周曰一丸豈能療兩年之病婦人曰試服開藥包以一丸授之令溫酒嚥下藥纔到口香味異常其病隨卽如脫病者卽求攬衣出謝而兩婦人忽亦不見矣

仙醫曲背三十

西川李和尚有門人背偃不能仰視因藥市罷見一道士云秀才有錢句二百文爲酒資書生謂貧無錢所居有薄釀

同一醉可乎道士欣然便往酒半道士問何故背偃書生言
不幸遇此疾無如之何道士因出藥三十粒云來日五更面
東新汲水下覺微痛不足怪書生如教既服藥燥甚不可勝
展轉牀上亦甚悔之然每一伸縮漸覺舒快比明身已直矣

仙醫足疾 三十一

徐上舍淦婺州人一日自鄉泛舟趨杭乘米舟每日坐于米
袋之上惟疊足坐人亦不知其有疾也忽一日舟漏梢子請
上岸將塞舟事畢請入時水潦稍漲皆跣足而入同舟人見
其足大小指皆短從容問之彼曰自出母胎一足指皆向後
越二年忽有道人來必欲見乳母抱出示之道人命烹一小
羊用羊皮裹其足一宿次早掀開則其指皆向前但視足指

有大小長短耳後亦登第

杜亞歸元金華人宋紹熙初到括蒼龍泉歌唱度日因病風
兩足拘攣木屐曳行勾於市淳祐癸丑八月十七夜蹲於張
通判後門已三鼓矣月明如晝見一人青巾阜條白襪衫自
最高軒下行至其前少許謂亞歸曰夜深何故在此曰病倦
去不得也其人於路旁采雜草按碎掬溝之汗水若彈然授
之曰汝可食此亞歸亦意其不凡人也餌之不疑其人曰明
夜再來會我于此遂去亞歸覺腹中攪戚不能自安曳行至
濟川橋上倚柱假寐良久方覺其一足略能伸試扶欄起立
骨磔磔然有聲自此能行次夜候之其人不復來矣亞歸徧
以語人後不知所在

仙醫療疾 三十一

仙居乃吉州道堂也宋嘉熙辛丑年堂近有李老家稍温飽道人卽供以好茶深熟者與酒適有幼子病瘵骨瘦如柴死期可必忽有堂內三道人風貌蒼古來曰令嗣能過堂同榻一宵則可再生李道急遣去入夜兩道人夾之而睡一道人蓋其上其氣蒸之如火病者如坐甌幾不能堪道人曰且忍耐凡若是者五六次早起精神清爽肌骨美暢索飲食如常不十日豐悅殊異道人囑之曰姑遲兩年方可娶若早則病復來李老夫婦拜謝之與以錢會布帛一毫不受但受果飲三杯辭堂往袁州邵山時天色晚矣李老與堂中道眾苦留之不從所請方出門則不見矣乃知其仙也

仙醫瘤疾 三十二

李仲翁鼻閒生一瘤大如胡桃懼其浸大百方治之不效至襄陽客邸遇一道人喜飲日夕周旋臨別出一小瓢如棗大傾藥三粒如粟授仲翁曰汝夜以鍼刺瘤根納藥鍼穴內明日瘤當自落其二粒以救奇疾也仲翁如其教用鍼至夜半覺藥巡瘤根而轉至曉捫之則瘤已失矣急取鏡照之更無癥痕因大神之祕其餘藥其女小時倒地折齒不生取藥納齒根一夕齒平復以水銀一兩置銚閒取藥投之則化爲紫金矣方知其爲神仙所煉大丹也

仙醫反掌 三十四

萬載縣獲賦市有勾者姓郭左手及兩足皆反掌於上止得

右手拄地擦行人遂名以郭擦母老病風弟病亦然擦每月朔望出匄一市人皆憐而惠之遂得養母及弟僅得一月之食如此者十八年無怨元貞二年冬遇一道人見其貧苦又甘心養母與弟遂與藥五丸與擦云汝服吾藥宿疾頓可擦如教服之手足隨卽如常不料疾愈可無託辭以匄而人亦無惠之者方窘急聞又遇元道人擦謝之且祈之云向蒙惠藥偶忘母疾未曾分與今母尙病道人再以五丸與之其母服兩丸其疾如失尙餘三丸適爲里近富人所知其病亦同富人與擦云聞汝有妙藥三丸以鈔一錠與汝回贖擦應言不願受鈔願病安三口乞終身供給遂以藥授之後果效富人守信供給之得非郭擦一念孝弟獲遇神仙以受無窮之

福吁句者而處心如此人亦可以自反矣

異人送扇

二十五

宋朝東京未陷時遠郡有一士人補入太學疑習之暇常出
獨坐學前茶肆中見一道人手執道扇化緣士人盡傾篋中
錢與之五六十日卒以爲常道人受施無厭心士人與之無
吝色一日道人曰每日受官人捨施今日還可請道人一茶
否茶罷道人曰貧道欲說一事幸無泄官人可急歸去前程
事不必問東京不久流血成池恐禍相及士人歸治行同舍
問之具以實告或笑或侮士人心亦趨趨明日復坐茶肆道
人又至驚曰官人何爲不去若不信貧道之言恐無及矣東
京不日將陷城往來之人半是鬼遂以布袖遮士人之目令

看但見行者或無首無足鬼形異象變幻不一士人始驚亦不告同舍明早遂行方至城外而道人又在彼相送曰貧道無以爲贈以此扇與官人遮日所過鄉路或有人羣笑此扇則是鬼也切不可駐足若無人笑此扇方可緩行緩行則以此扇從便棄之言訖長揖而別回首道人亦不復見心疑異之士人持扇在手急走每過一處則見數十人或見三五十人或百十人相逐來觀羣聚指笑行甫兩日有來自後者則云東京已陷士人益驚兼程而進又行兩日而笑者漸少及更三數日則不復有笑者矣士人乃思道者之言遂將此扇棄之田中而去行將半里復自念曰道人以此扇遺我保全性命今既至此豈可忘而棄之再至元處拾取則見所執之

扇已化爲髑髏矣

得仙

頓悟成仙三十六

晉許真君年少時喜畋獵嘗射一鹿鹿子墜地鹿母以舌舐之未竟而死真君感悟毀弓矢折節讀書後爲神仙

遇藥成仙三十七

徐仙不知何代人嘗於平鄉縣郭西山間鍊藥有一黃犬回旋於丹鼎之旁往返率以爲常翁異之翌日以紅綫繫其頸視其所之至桐陂岸枸杞叢中隱而不見但餘紅綫在外卽掘枸杞叢乃得根叢如黃犬狀持歸蒸之芬香滿室仙翁食之旣由此仙去上有徐仙亭士大夫多有題縣丞卓津一詞

極佳詞云流水小灣西晚坐孤亭靜不見高人跨鶴歸風水
搖清影古往與今來休用重重省十里梅花雪正晴月下遙
山冷

崔公得道

三十八

至元壬辰灌州青城山崔公與崔婆在山門路口茅屋下賣
柴一日入山采柴忽麻姑仙坐石上拜之仙問曰汝欲官否
崔應云我用官何爲又問欲錢否應云錢多害己又問欲華
衣否應云我是賣柴漢何用華衣爲又問此三者非汝所欲
今所欲何事崔公笑云我要此鬚拖地便好麻姑引手捋之
鬚隨手而長竟至垂地歸家人以爲訝後不食言人禍福如
神合城觀者如堵凡有布施錢一文亦不受一年後夫妻俱

入山不知所終

棄名學道 三十九

陳舜卿江南人舉進士至長安十年不歸一日於青龍寺訪僧不值憩於火閣有終南山翁亦俟僧坐久之壁閒有寰瀛圖舜卿尋江南路歎曰得自此歸不悔無成翁曰此易耳起折階前竹葉置渭水中曰注目於此則如願舜卿熟視見渭水波濤洶湧一舟甚大恍然而登舟其去極速行次禪窟寺題詩云霜鐘鳴時夕風急亂雅又望寒林集此時輟棹悲且吟獨坐蓮華一峰立明日次潼關又作詩云已作羞歸計猶勝羞不歸及至其家妻子迎見甚喜信宿曰試期已逼不可久留乃復登舟作詩別妻曰酒至添愁飲詩成和淚吟飄然

而去家人驚愕謂爲鬼物倏忽復至渭水趨青龍寺僧猶未
歸山翁猶擁褐而坐舜卿曰豈非夢耶翁曰自知之經月家
人來訪具述所以題詩宛然皆在陳後頓悟不圖仕宦而入
終南山隱而不出

載道者尸解四十

載道者紹興間人生兵伍不樂隸籍削髮爲浮屠後以無度
牒還俗勾于市嗜酒忽忽如癡盛雪常浴水臥石蒸氣如霧
往來自語人不之語或語人以禍福遇有飲者直造其旁如
欲乃去有赴試者問以姓名贈詩曰眞玉團團出潁川袁陽
風采燦奎躔乘輿約束休相問唐國濛濛路八千後揭榜乃
王瑱第一陳治安次之歐陽民袁共珪李守約唐蒙路良臣

也後死有人會于都下蓋尸解矣

黃東美尸解

四十一

黃東美愛洒落魄舉動軼蕩人甚異之既卒有自湖外見之寄聲邑閒舊遊乃知尸解而去嘗有贈美人詩語意超俗識者以爲得道其詩曰醉眼橫歸態萬端滿城桃李盡羞殘黃金斜插雲雙鬢紅粉輕包雪一團羅帳睡濃春夢雨玉簫吹罷夜驂鸞少年願效東方朔特到瑤池子細看

天降銅棺

四十二

鄭州監酒鄒宿爲官公正無私人所推敬一日鄭州日方午天降風雷煙雲四起於北門黑霧盤旋直上衝天不散降下無蓋銅棺一具但聞空中音樂嘹唳時鄭州自守倅以下官

更將校士庶僧道盡易衣服欲入銅棺而外狹內寬皆莫能
入續監酒巾裹而來眾請之人棺亦無少礙少焉復降銅蓋
綵雲繚繞擎舉而上仙韶鶴唳瑞氣天香靄靄不散其棺冉
冉向北而去今爲北極司壽限判官

道教門

齋醮

崇興道教四十三

宋徽宗一日誦大洞真經舉首見左右有仙官侍立上於人
家已大留心政和初上疾一夕夢一仙官延請至一宮觀有
道士二人爲引至一壇上遙望金光閃爍莫辨何地二道士
命上設拜禮畢傳命諭上曰汝以夙命當興吾教上再拜受

命二相者相與慶上而去寤作記始大修宮觀於禁中奉天
神作玉清和陽宮玉虛殿製玉虛樂章道家謂上爲赤明和
陽天帝政和七年御筆批云朕每澄神默朝上帝親受宸命
正訂譎俗朕乃昊天上帝元子爲太霄帝君觀中華被金狄
之教盛行焚指燻臂以求正覺朕甚憫焉遂哀懇上帝願爲
人主令天下歸於正道帝允所請令弟青華帝君攝朕太霄
之府朕夙夜驚懼尙慮我教所訂未周卿等可上表章冊朕
爲教主道君太上皇帝只可與教門章疏用不可令天下混
同宣和元年降手詔節文曰異俗夷言髡髮毀膚偏袒橫服
棄君親之分忘族姓之辨循西方之禮蓋千有餘年朕方敦
禮義適追二代其教雖不可廢而害中國禮義者豈可不革

其服飾其名稱其禮其言並從中國又御筆按先天紀鉞乃
黃帝戰蚩尤之兵器胡人之凶具中國自不合用又御筆改
女冠爲女道尼爲女德寺殿改爲宮觀諸陵佛寺改爲明真
宮自今設禮合掌和南不審並改作擎拳稽首佛賜天尊服
菩薩羅漢改道服冠簪開封尹盛章奏本府以寺改宮以院
改觀者計六百九十一區以僧改德士以尼改女德者計一
萬五千九百五十有五人所納銅鐃鉞一萬六千六百三十
六隻計二萬六百二十斤一兩

心詞采母

浙中陳少卿事親以孝聞一朝母疾求醫不效不遑安處夙
夜思之人事旣盡豈若禱之於天不過一誠而已遂發誠心

夜半求禱上天願求妙藥以療母疾少頃金盤有聲果蒙天
賜四十九粒太夫人服之卽獲勿藥之喜少卿喜而不勝經
歷四五年間太夫人又病少卿仍舊虔禱於天了無感應朝
夕憂懼次早自撰青詞而自寫之卽召羽衣設醮而祈禱焉
旣而道士伏壇須臾興而言曰上帝甚喜少卿青詞至誠至
孝如此少卿問曰其言如何對曰喜見中有一聯云減臣之
壽以延老母之年諒帝之心必從臣子之請如今太夫人病
三日安樂更延一紀之壽其後果應

心詞誑語

四十五

新昌縣黃與行至元辛巳設黃錄大醮託館客傅雲叔作醮
壇一宗文字醮罷數月雲叔忽患背疽口中言語謬亂其家

請法官陳辛叔行法附體童子云傳雲叔作心詞不直寫事
意裝成巧語謂黃興行禮義傳家詩書教子黃興行貪虐鄙
吝破成成家安有詩書禮義耶決脊杖二十卧枕三年押赴
鄴都收管越三年雲叔疽發死後黃興行死葬之縣外有過
軍掘其墓斫爲三段受禍亦甚矣

心詞簡直

四十六

世人作詞語求福甚多而李梅亭學士只云有生之眾所欲
不同貧者願於多財富者期於不死賤者志求於顯達貴者
思得於久長人既無厭神亦難應臣雖無似志實不然雖亦
有禱於三清惟乞無災之一字云云使身心安穩尙復何求
眠食平寧便爲至足其他外物一付自然既所請之甚微宜

必從於所禱觀此則詞語不瀆也

心詞代筆 四十七

大學經德齋方清孫蒙仲之弟也出繼從叔位將其叔田產盡貨之別置已業後得疾危殆命道士設醮道士出神見乃叔曰螟此子者欲其守先疇今以數世之產轉鬻他姓吾訴于帝已得請矣其家聞之恐再設醮蒙仲代作青詞敘悔過之意語極懇切道士再言乃叔謂此非由衷之辭蓋出他人之筆病竟不起

心詞姪語 四十八

宋景定中京口一富人姓王嘗聞人言金陵乃帝王州繁華無匹切慕之且止二三百里之近扁舟攜所寵李氏同往恣

遊歷覽至鐵塔寺少憩因見士女往來攜手笑謔不能忘情
遂與其寵在寺西偏作無狀事後歸自省曰寺乃神佛所居
誤爲此舉遂命道士設醮謝過其詞語云始爲金陵之遊致
有鐵塔之誤詞奏上奉帝旨送三省進奏院看詳致誤之因
院官閱簿籍卽無上件事蹟遂差天丁下所屬契勘押至鐵
塔寺伽藍等神具析方行彰露卻云歲終方敢類奏張祖師
自進呈帝大怒云此等姪媿之語敢達天京王李二人送雷
司鐵塔寺送火司後祖師力叩此人愚昧難免罪戾但知謝
過欲望天慈特賜輕減再奉帝旨王李皆賜死鐵塔寺焚毀
若王生者不自畏心亦不畏神悔而方知畏天吁亦晚矣

趙提幹彥琰開慶己未任湖南倉幹庚申鄂渚有警趙急許
黃錄齋醮遂得善歸後咸淳辛未年間就西山積福院賽酬
請光孝宮道士王若川告盟但合用數目浩大龍之鱗甲悉
用真金力不能給謀之建陽翁道真則許以金紙代之凡事
簡省遂請翁主行齋事王若川雖同壇分任而凡事終不留
意兼執事者俱不嚴肅上貽天譴未幾道眾一行人皆死若
川亦感拘攣之疾趙雖享年已困苦無聊一會中人無得免
者不可懼哉

書疏不誠

五十

安成南江有一李子椿者命館人戴秀才作疏上星官而忘
書星主紫微大帝御位子椿云先生如何遺了聖位戴乃添

在諸神之閒子椿亦不及知越數日戴忽得病見本里社神
康王領神吏皆來追攝至一冥府殿上有王者問戴云汝爲
人書疏大帝而無聖位卻寘於諸神之閒罪當死戴無辭以
對但乞限回家區處家事語未竟見湖仙真人來爲其解釋
王者不從言且保戴某三日戴遂少蘇囑付妻子家事逐一
了當恰三日復見黃頭力士來追遂死甚矣文疏不可不至
誠書寫也

朱道人拜章五十一

後溪劉光祖家簡州尚道教嘗延朱道人在家父死設醮請
遠方有道之士充醮官意甚精專高功衣冠整肅將升壇拜
章忽朱道人來曰我擾君家甚多無以爲報今日拜章當爲

君謁玉帝也高功及眾道士與醮主家老小皆不欲後溪曰
朱道人欲拜亦由他拜我自令高功拜之於是二人俱拜頃
之高功起惟朱道人不起又良久眾以手接之只有冠簪衣
服大驚次夜朱道人忽來與後溪曰我卽朱光庭已奏玉帝
使汝家富貴不絕倏然而去其家遂留冠簪以爲至寶後溪
及第位至尙書子孫仕宦不絕

天門放榜五十二

范文正公倅陳州時郡守母病召道士奏章公曰庸人安能
達章帝所耶道士秉簡伏壇終夜不動試捫其軀則僵矣五
更微動良久謂守曰夫人壽有六年所疾勿慮守問今夕奏
章何其久也曰方出天門遇放明年進士春榜觀者駢道以

致稽留公問狀元何姓曰姓王名下一字塗注一字遠不可
辨旣而郡守母病平愈明春狀元乃王拱壽御筆改爲拱辰
公始歎道士之通神也

論星受譴五十三

安成王用可幼出家爲仙壇沖虛觀道士與法官王和父友
善每爲人修疏禳災稱曰者推占某星某曜爲凶惡者不知
其幾淳祐乙卯年閏十月水官解厄之辰忽得病見黃頭吏
追至一殿下上喝云汝何爲專爲人論星辰王分析云此王
法官言上喝云王法官只口稱汝不當形紙筆方震懼聞見
殿上照壁有黑蟠龍像表裡通明有若水晶見殿後人物往
來其闕王平日事玄帝香火見帝躍馬自外而來儀衛如所

畫王俯伏告乞解釋語未竟見三官大帝下殿揖帝入內不知云何而出王再行懇告帝云已爲汝言之矣後聞殿上喝云王某不合爲人誣訴星辰罪當死姑以玄帝之故特與病延一紀方出街頭遭跌而驚自此患頭低背曲十二年而死信知尋常出家人爲人作疏不可說吉星高照凶曜退臨八字但乞赦罪則可當以王用可爲戒

宋朝革命

五十四

宋咸淳十年度宗大漸大內建醮保安太乙宮唐道錄行持唐素以禳奏精虔著名伏壇出神上至層霄忽被罡風吹擊遂排神馭氣方得至魔王界內且爲天花下墜所壓復努力作法直造天門三天監門大神又行揮下未免默叩祖師云

自傳法以來有詞卽達未嘗過差不審今日何罪而若此未
幾有天使下傳祖師張真君旨揮引至三省敷陳所奏事因
蒙送膳奏院看詳院官呈覆祖師云昨奉上帝敕命不許受
宋國章表祖師忽記曾聞玉音不可進奏矣但其辭意虔切
難以抑遏乃命有司引押唐某恭詣玉帝殿前適逢議下界
公事稠繁中見真官引至一神人衣裝皆如天帝但簪下辮
髮耳後有十數人各荷青冊一擔在庭下伺候忽傳帝旨云
宋國人民疆土盡一付汝神人者跪拜低頭而退荷青冊人
皆隨之旁有天丁謂唐某說宋國人數盡矣汝章之不達有
由也唐辭祖師還神不敢彰露丙子革命後方與人言固知
大元混一區夏之盛正符書曰皇天既付中國民越絕疆土

于先王夫豈偶得之哉

齋醮靈驗 五十五

宋提刑疊山謝枋得嘗謂有淮人林月溪者誠感上帝曾爲
裕齋馬公之客至元丁丑以無疾死爲一卒攝至冥府到一
官舍榜曰泰山府君之殿卒領林入內坐殿上者裕齋馬公
也公引林入內堂道舊事極其款密林曰某被追攝至此有
何罪責馬曰吾爲泰山府君爲門下二寵枉死事不得明白
故請門下過此以決曲直君之壽限儘多但毋陷此閒飲食
少頃即可回去古心江先生見充閻羅天子因引林訪之林
賀曰先生生爲宰相沒爲閻王可謂盛事古心蹙額謂曰沒
爲鬼官是豈予心所欲哉林曰某回去不知作何功果可以

資助二先生出離鬼官幸明以教我庶有以報先生之恩二
公相顧謂公曰既辱厚意請往隆興府託西山道院徐道人
爲設齋醮或者可以感動上帝耳言畢相辭而出林甦徑到
隆興尋訪徐道人述以前事徐道人乃一放蕩不羈之人索
一百二十貫錢爲建道場乃留三十貫於紙鋪委造紙錢餘
者悉以爲酒食之資林俟候月餘徐道人方且齋戒就道堂
打坐一日至晚將紙錢燒化賀林云善功圓滿當時林甚不
滿道人所爲越三日夢二公來謝云已得徐道人齋醮之功
行得替罪自此出離幽關矣感應之速如影響則徐道人者
善及幽明信非區區學仙之流也

逍遙觀葛仙道場也宋紹興甲子鄉民有爲醮會以祈年者
曰五雷會命道士李宗朝主之有民苦於社鬼之爲崇者作
牒訴天附李使寘青詞函中李不可則賂其徒使竊寘焉初
不知也明日幡竿得幅紙焚爇之餘文字可辨乃民訴社鬼
牒也牒背之首有書九字青色虬屈不可識有道士曉天篆
者爲之讀曰散漫之罪告天不行下乃仰字九字皆闊八分
牒尾二字如印闊二寸半長倍之其文曰詔百鬼亦青色其
紙焚處經火色皆青道士作醮謝過匣藏其書于觀

祭煉感應 五十七

廣州有商人與同伴泛海往諸國經紀偶中流得病力別同
伴登岸歇泊至一洲閒結茅居止卻與同伴約云汝若回舟

見我竹竿標記我衣裳卽來相接若無竹竿卽是我死矣不
必泊船恐阻順風也越半年舟經前地則竹竿衣裳並無亦
難望洋而尋船回廣州訪其家人歷道其所以全家痛哭卽
命道士建九幽齋醮祭煉天下孤鬼至夜三更召請之時忽
聞屋上有人連呼曰我在此遂用梯扶下乃所度之人是生
人也卽救以湯粥方省人事云昨浮海得病止于洲渚上忽
有二婦人挾我至山中石岸內每日亦有飯食與我但不知
得此身是生是死已近年餘一日聞二婦相語曰有符使持
公文到水府稱廣州某人因作商死于海島今祭煉天下鬼
神宜留此人在家我與汝自去赴此會其人密聞之力叩二
婦曰望帶我去一觀一婦曰不可一婦曰不妨遂挾至其建

功德所約曰藏你在屋上不得作聲待我二人去壇前享食
適聞道士出門召請我名姓又是我家作醮主且曉我家人
哭泣之聲是以叫喚二婦方知罵云我不欲帶他來今事泄
矣飛走而去其人歸雖得再生但飲食甚少越兩月死蓋爲
鬼氣所侵不可救藥但得終於正寢而已以此見祭煉之有
功如此

祭煉有功 五十八

龍泉萬壽宮道士潘夢庚平生有道行一日浴罷倚窗寄傲
恍如醉夢身到一所若世之官府官吏整肅兵戟森嚴至門
首見瀆田季鑄寫曰此陰府也知宮安得至此俄有一卒曰
大王願見道士掖至庭下王端冕中坐面黑多鬚真凡閒所

畫罔羅王也王曰你平生誦度人經及九天生神章祭煉有功幽沈獲福壽延一紀吾所追者吉州龍泉潘應庚也於汝無損速歸故鄉出門至通衢見一判官攜簿按轡從者十餘人呵殿而至方側身回避偷視之乃鄉人郭浩堂知丞也因長揖曰知丞何得至此答曰我在世公平正直不欺於心王命擢爲掌祿判官陰陽異路機不敢泄知宮旣得旨延壽放還故家宜速回若更少緩則身非己有辭退忽有青衣推入阮水中醒來但覺汗雨徧身其瞑目已兩日矣嗣是愈謹戒律誦度人經卒享高壽

道法

天師退潮

五十九

宋嘉熙庚子杭州潮水不退趙興權尹京奏乞召張天師議
治暨至連日作法水如故遂考照云有蛟三條爲祟一是濟
王因史相廢其爲太子以理宗代之怨望致死一是華岳乃
武學生因作詩負罪一是一宮人因不肯裸體下蓮池捉木
刻金龍遭鐘覆火燬而死理宗云奈何天師奏乞設黃籙大
齋以薦拔之方可於是潔大內崇修方移文水府而潮卽退
後華岳與宮人事寂無所聞但理宗每與周國公主閒行見
前有著紅乾背子者曰此必是濟邸蓋亦心疑見鬼

天師誅怪 六十

賈平章母兩國夫人就道堂設雲水齋有一道人滿身疥癩
來謁眾齋與之而惡其不潔齋罷謂宅有厭氣宜書符以厭

之請黃絹三尺磨濃墨方秉筆起只圖一鳥圈如盤大眾笑
道人亦去道堂揭而寘之壁間須臾見黑中一點通明如玉
有金書正一祖師諱字方知爲天師親降也

天師誅蛇 六十一

婺州東陽縣有郭郎中家依山而居山石險峻樹林深密常
有大蛇爲妖人所不能治郭有一女年十六歲容貌甚麗忽
尋不見父母疑爲祟所惑朝夕思慕不已遣人齋香信詣龍
虎山迎請觀妙天師救治師欲翌日起行是以夢祖師云汝
毋往吾將自治之忽一日有人到郭家謁問之曰爾家中有
何憂事郭以失女事對道人曰我有道法爾當遣人隨我尋
之遂遣人隨去至屋後山中令其人閉目謂聞喝聲卽開及

喝一聲開目見山中火發焚一大蛇於中女立于前詢之乃此蛇爲魅其怪遂絕道人乃給符與女服獲安如故

天師斬龍

六十二

天師斬龍 六十二 天師斬龍 六十二

大德戊戌年鹽官州州南瀕古塘塘距海三十里地橫亘皆斥鹵比年潮汐衝齧鹽場陷焉海勢侵逼州治州以事聞於省府復加修築塘岸二百餘丈不三日復圯皆謂水怪爲害非人力能復省咨都省咨四川育各處極聖師具之聞奏欽奉

玉音禮請卅八代天師馳驛詣杭州時合省官僚以五月朔就佑聖觀建醮五晝夜醮畢天師遣法師乘船投鐵符于江初則鐵符跳躍浪中食頃方沈風雷電霧旋縹于中明日視

之沙漲日增隄岸復舊江心突起沙淤中有異物爲雷殛死
于上廣二丈長許狀如鼃有殼省府
聞奏于朝崇錫旌賞

法誅蟒精 六十三

邛州道士張碧雲行雷法四川有名鬼神望而畏之時魏鶴
山弟文翁知敘州內人得病纏綿不愈差二承局持書與狀
去投碧雲碧雲卽書二符與承局祝云堂內焚化以一就竈
中焚化承局歸告文翁如其言焚之數日後但聞滿屋臭穢
忽於闔板下見一巨蟒長五六丈已死其家方知爲祟者蟒
也夫人之病遂安

法誅蛛怪 六十四

建寧府人家有二女適人因春首歸家與其妹同遊屋側花園方入園門有一蜘蛛真紅色墮其臂拂之不去女以爲怪意殊不釋歸感疾而死次年春初其妹再遊其地因感舊事言未竟此物復墮其臂其女急回亦感病語其母曰姊去年見此而死今我又復見之恐不可免此是一怪聞黃金莊行法甚靈可急遣人間討符水母如其言黃公爲遣將發符令以符於竈中燒化須臾陰雲四起雷雨交作鄰人但見門前之山旁空中見有一真紅婦人爲雷神所擊往來數四須臾霹靂一聲見此婦人自空中跌下皖谷須臾雨霽往視見一婦人橫尸在焉其怪方絕

法誅土偶 六十五

周大三婆因往市中見土偶像美貌自言曰得一丈夫如此足矣自是每夜必至久焉白晝亦至其夫投巫治之莫驗遂投環法師與之一符令此婦佩之一日祟語之曰汝疑我奪其符爲二各人一半法師怒曰自與你討分曉每遇與人行持必附奏一日陰雨大作其婦人已寢聞雷聲頓悟具言其祟爲神捉去自是怪絕逾月此婦人因在園中見此祟在隔牆恟惶垂淚與語曰久在囹圄近方得歸婦人曰因何得歸答曰郊天赦耳

意法治巫鬼

六十六

安成歐陽辰翁寓居北里元眞乙未令僕入山伐薪遂犯古壇場及張巫之墓其家卽遭癘氣而爲首運薪之僕死焉次

年歐陽家有室女名庚在堂奧閒見一綠衣老人遊行又見二貓爭鬪復被祟摔倒於地首飾俱失昏沈不省遂許神願移時稍省卻云得公公貢士奪回得我邇後飛砂走石推門戶閒作雞犬聲百怪並出而女子昏沈如故遂請西里法師周聖可劉信師行持救治越半年神吏方契勘到是楓阮死巫壇鬼恨伐其木而爲禍續被前妖豸冠絳服鳴鑼調角挾取女子置於樹枝告楚之二法師差馬趙二師取回女子卽吐出科斗土石腥穢逼人方少省於是卽奏上帝乞降雷伐五月十四夜霹靂一聲其樹折矣巫壇餘黨又結連他鬼現形示祟二法師竊窺山魃作貓形於樓上羣起擊之其聲甚哀值火滅而逃信師夢神吏云合牒當境並吉袁兩州土神

同捉後移文卽捕到諸鬼計百餘名押送鄆都定罪歐陽家
方寧而女子之病亦愈妖精之橫如此

法救產母 六十七

翁道應建安人嗣雷法事香火甚謹嘗有一婦人懷孕十二
月不產體羸骨碎忽數日腹痛如刺不能勝舉家憂之其夫
請翁法官救治翁遂祝將發符俾服婦恍惚見一金甲神人
火髮青面乘空而來驚呼聞產一肉毬有小蛇三隻蜿蜒而
出首紅而身青背有金綫乃以鍋覆火鍊之死再給符俾服
婦體卽安

法官不戒 六十八

張聲遠名雷發奉行雷法甚有靈驗眾皆神之寓廬陵道堂

一晚山行汗一村婦暮歸堂中焚炷但口中作吃吃之聲忽仆地竟死雷將之靈如此行法之士忽慢可乎今懸閻中

外行法不正

六十九

周應奇奉法心術不正未嘗行一好事發一善言一日行持祭將且曰法奉天心戒絕邪欲祭未畢有賣糖婦自外來彼則注目凝視心已不正神胡不尤由是棲遲偃蹇法固不應已亦多病遂爲巨旺社神所擊繼而長子道興年三十許不疾而卒至燒化時額皮裂開頭顱白骨上現六黑字曰奉炷帝某某內兩字不分曉炷乃古文天字次二子傷人陷于刑憲遂至滅後

超度療鬼 七十

閣門祇候秦中立受命往秦鳳路提點軍器到京兆府見知
府陳儼云次子景仁娶張侍郎女爲妻染瘵疾死景仁因此
傳染悲歌哭笑醫治無效中立曰凡人病苦死生修短固有
天命若邪神鬼魅豈足以貽明公之憂切恐非勞瘵所纏必
令似喪偶鬱結成疾耳今歸驛當爲齋心明晨看視卽知秦
歸默告所事上眞備述前事虔祝求託次日天明秦以聖像
安排景仁門首攜香火入房中立只若困憊遂具詞奏上眞
是夕有人扣門卻是亡魂張氏至矣曰念奴係陳景仁妻自
恨薄命染沾瘵疾被醫人將作血隔醫治誤投湯藥枉失性
命日夜銜冤未得超脫依附夫身非敢有爲禍也今憑閣使
仗此神力解釋宿冤今得託生鼎州羅傳宗家爲女身矣左

手大指甲內有黃金玉毫兩莖可長三寸只此表證爲驗自後景仁病亦愈

扇能起風 七十一

楊披雲得道之士前世乃火府真君也居南劍州一日里人娶婦會賓披雲亦預其列欲赴宴而無催者將謂不曾約客潛往觀之鐙燭熒煌賓客雜遝披雲謂戲我矣我亦少戲之以白扇插於檐狂風四起鐙燭盡滅再點仍前主疑今晚何事如此試思之鄉人皆已請徧獨遺披雲必其戲我也命請則已高臥矣眾屈之堅不起主者又親屈乃至告以滅燭之怪披雲曰此易事耳且遂去扇風乃止

道術

林靈素

七十二

林靈素温州人家世寒微善幻術輔以雷法常往來於宿亳淮泗諸寺羣僧薄之至楚與惡少相毆訟至府庭通判石仲脫之置於館聞其吐納燒煉出神之術攜至京師寓東太一宮宋徽宗夢赴東華召遊神霄宮覺而異之敕道錄徐知常訪神霄事徐不之能而以素薦素進上視之若與舊遊乃以神霄事問素因大言天上有神霄玉清府長生大帝君主之其帝青華帝君皆玉帝子神霄玉清府有左相仙伯書罰仙吏褚慧等八百餘官仍謂上實長生大帝君蔡京乃左仙伯臣乃褚慧於是上喜之賜號金門羽客通真達靈元妙先生班視待制遂建寶籙宮於京城勅神霄宮於天下置道官改

寺院爲宮觀僧尼爲德士皆留髮頂冠執簡忽京師傳呂洞
賓訪靈素遂捻土燒香氣直至禁中上遣中貴探問香自通
眞宮來上急乘小車至宮見壁閒有新題詩云捻土爲香事
有因世閒宜假不宜眞洞賓卻識林靈素靈素何嘗識洞賓
上由是愈加敬愛靈素寵幸一時出入道從頗眾至與親王
爭入內門從者相毆又嘗衝太子節不避時貴京城大水
上累遣靈素禳之不驗又全臺上言素妖惑聖聽改除釋教毀
謗大臣遂遭排斥歸温州後以血疾死

神翁預知 七十三

徐神翁雲遊至安福浮山觀每日飯後塊坐殿角管轄曰晏
閒歇可爲觀中催租未幾告道眾曰某處米某日來又某處

則某日來如期佃戶俱荷米至皆曰米自當納何用警人日
相煎炒耶蓋神翁以紙翦人吹去而人不知也後遷于北真
觀一日觀門前水泛翁邀王道士渡江王固辭翁伸手巾一
條于水面以足踢手巾而過王力挽之但云鐘樓角有少文
字以付汝矣王急取之雷法一宗印一顆及告斗書王由此
行法甚靈

預知國祚 七十四

宋湖右有道人姓吳名守澄號孤雲每年隨寓遨遊市井只
勾殘酒痛飲人不見其喫飯言事輒中德祐甲戌自正月日
日以來醉中言只他來也我去也終日不住口或問曰誰來
答曰臨行時與你說又問曰你去何處答曰去武當山逃性

命到三月將去之時用一大幅紙畫穿靴頂笠人持弓箭旗幟坐馬不計數後貼紙書保重兩字撐起與人看卻渡江從水面行上去後人方悟是大元軍馬來來而宋祚亡也

先知死罪

七十五

桑道茂祖爲供奉李晟爲神策小將道茂曰足下卽貴某之數性命當在公手能赦之否晟笑曰供奉見侮乎道茂懷中取一紙大書其官銜姓名云所犯罪愆乃是逼迫伏乞恩慈判命全有晟笑曰遣某道何語道茂乞云準狀特放晟爲書之後朱泚反道茂復舊職晟往京城收逆徒數百人置旗下就戮道茂大呼曰某有狀取視之乃昔年所書也晟驚悟釋放道茂以爲上客

噓氣燒腸 七十六

陳道卿云子嘗過邛州白鶴觀見一道人衣褐而丰神秀穎居于坐末觀主謂道卿言此道人多有戲術今日告行當薄酬之且求一戲爲別道人欣然呼一道行取盃付之令相去二丈而立道人曰我噓氣汝張口受之覺腹熱急言不爾當爛燒汝腸語訖噓氣向之須臾道行覺腸熱如沸湯傾注乃大呼曰熱甚不可忍因使溺盃中道人舉盃示座人曰誰能飲此舉座穢唾之乃大笑舉盃自飲言別而去明日道行惡聞食氣唯飲水數杯月餘出觀不知所之

種蘿蔔 七十七

安福城西四十里間地名蒜阮舊有道人過一農家索漿其

家飲以白湯謝以暑月無菜道人於囊中出蘿蔔子一勺教其人先布茅燒地趁火撒之後生蘿蔔大而甘其地至今享其利也

道經

度人經悟道 七十八

章思廉遂昌人少業儒以經學名三舍酷嗜度人經誦聲不絕倏然有悟棲蹟邑之壽光宮蓬頭垢面出則行步如雲能言禍福一日太守錢公端禮問有仙人來否章曰呂公現在溪邊洗楮皮遣人去看果有其人呂曰此思廉小兒多口也一日紫虛觀有大桶醬可數百斤章乃阿屎其中道眾怒而搃之及搬醬盡其下有巨蟒蟠于中使不先知必至貽禍矣

後數年先去太守錢思禮贊其神曰蹤蹟浮雲形骸喬木仙
不行怪隱相絕俗其中爛然無物不燭像而敬之以警凡目

寶誥功德 七十九

昔有開食肆者死爲陰府追去冥官殿下豬羊鵝鴨取命者
無限又有數大鑊臭穢羹汁獄卒逼令食之而其人驚怖卽
念玉皇寶誥王卽面北下拜諸畜盡退入鑊中羹汁已竭王
曰汝有此善心非惟能免自罪抑且冤債俱獲超度矣更延
半紀可還人閒勸人持誦功德不可思議今世之人如能信
心異日爲護身符也

生神章 八十

高邦佐薄眉山丁父憂於二七夜被攝至冥司見其父責曰

汝齋祭不誠僧與庖者皆不嚴潔無益於我但汝母日所焚
九天生神章券皆於我功德有餘旁及諸囚若更請高明道
上看誦及多焚化吾將脫離幽局矣邦祖如戒後父復託夢
口得汝生神章力已託生矣

蜀青城山丈人觀道士李若冲赴醮會夜回憩於山前俄頃
竹陰中有一女子號泣而前云獨臥經秋墜鬢蟬白楊風起
不成眠澄思往日椒房寵淚溼衣襟損玉鈿言訖復泣而退
若冲急還是夜偶上元節三官考校罪福之辰若冲窺殿上
有衣冠珠履之士皆面北立奏對殿下皆罪人列於廊廡間
中有一女子爲獄卒繫於鐵柱杖之痛號徐察之若山前所
見者俄而侍立之神以劍指若冲云今夕上元天官泊五岳

文人考校日不宜久立若冲潛避達旦具白其師唐洞卿師
曰汝知之否昔孟昶於丈人觀祈禱麻姑壇有城令獻一女
曰張麗華納之觀側忽一夕風雷雨電騰空散落張氏遂死
葬於山下此張麗華也昔寵幸於此褻瀆高真致獲死罪既
以詩告汝當救拔之若冲曰何法可救但誦九天生神章焚
金錄白簡可免斯苦偶值魯家建黃錄醮若冲遂置簡書疏
誦生神章一卷仗彼醮所適懺罪燒簡之時若冲就中焚之
明日復至山前竹陰閒見一冢張麗華墳其地上有沙字四
句曰符吏怱怱叩夜扁旋憑金簡出幽冥蒙師薦拔恩非淺
更覓生神九過經

福海寺心法師行瑜珈法持穢迹咒里人有疾請師治之夜
夢鬼使曰此人爲上帝所譴吾奉天符行藥師毋往也夢覺
則忘之矣次早往疾家方嚙水水則自內流出方悟昨夢已
不及事行持未罷師疾已作急回已不可救越三日化正見
兩手兩腳舌根如赤銅色續附童云誦咒有功舌根不壞握
訣有功手根不壞步罡有功腳根不壞豈若金剛不壞身歟

錄

授錄感應 八十二

邵武軍有一婦人憑建陽縣水東觀道士葉克勤詣龍虎山
參授九真妙戒錄事之甚謹死後半日還魂與家人曰被二
神吏監往到龍虎山見葉道士在彼問我還帶得錄來否我

對曰不曾葉道士復曰神交下須監管你可急歸家取籙再
來此尋我并說與你家男女今後也不須供養飯食此閒自
有二百四十日香飯可享可急將籙焚化了我將去家人如
言焚訖復死

重刊湖海新聞夷堅續志後集卷一
星人昏共請願